

# 光州志

光州志卷之十三

列女傳

光州直隸州楊修田總纂

武生劉春揚妻胡氏七叔伯隨遠傷寒氏年二十六歲

無子以一女將以身殉旌通有始論越止烈明子有曰

軍生張福修妻楊氏十八歲歸張事姑至孝病篤願以身

代尋微而絕子之報情天厚也

光州直隸州楊修田總纂

光州志卷之十二

光州直隸州知州楊修田總纂

列女傳

武生劉春揚妻胡氏七載倡隨遽傷寡鵠氏年二十六歲  
無子只一女將以身殉旋遵翁姑諭廼止撫嗣子有恩  
童生張福修妻楊氏十八歲歸張事姑至孝病篤願以身  
代尋愈僉謂純孝之報惜夫早世六載而寡青年矢志  
白首完貞

孟貴妻傅氏年十八歸孟甫四載夫故遺雛一雙差強人  
意無何二子以痘殤未亡人尙何生爲轉念堂上哀年

輕生貽憂非孝也。廼立夫姪爲嗣以延一脈。

傅大才妻王氏十七歲于歸。二十七歲守節無子。一女甫三歲。愛若掌珠。及笄。贅壻於家。藉慰岑寂。未幾女故壻亦相繼逝。氏教育甥孫。以承兩姓。禋祀請旌。時年七十有二。

張東壁妻李氏二十二歲歸張甫。一載夫故。氏有遺腹。旣而生子。命名儒林翁姑。喜甚。未幾一老歿。氏孤苦伶仃。攜子歸寧。母氏相依終身。

童生程惇績妻連氏歸程七載。夫故。氏年二十四歲。貌孤甫兩月。劬勞鞠育。幸見長成。翁姑有賢婦。幾忘無子之

苦

童生陳應林妻張氏十九歲歸陳家貧藉女紅佐甘旨二十八歲喪夫子尙襁褓白頭二老黃口孤雛事蓄之資惟氏一人是賴此節之最苦者

沈發甲妻李氏十八歲歸沈甫六載夫故家無越宿糧姑老子幼氏嘗終日忍饑惟老弱差免枵腹姑歿正值歉歲百計經營俾得人士未幾子又故孫尙幼穉年逾八旬日不一炊此苦節中之尤者請旌時年八十有四

江蘇長洲縣主簿周雨田妻唐氏幼讀詩書凡經史中有關節義者必留心討論年十六歸於周先是氏夫隨翁

舌耕於外終歲不過一再返里氏依姑操作有孝婦名  
迨翁歿服闋氏夫任江蘇長洲縣主簿氏奉姑之任未  
幾夫病攜眷歸里途中事皆氏一身經理夫故姑年邁  
子女穉弱仰事俯育辛苦備嘗今子孫能繼書香氏之  
教也

廣東揭陽縣北寨司巡檢張述銘繼室蘇氏年十七歸張  
奉姑隨任旋以夫病歸里未踰年姑歿又二年夫故遺  
孤穉弱雪虐風饕幸後嗣能讀父書氏之心稍慰矣  
童生屈珽妻王氏十八歲歸於屈甫八載夫故無子立夫  
兄次子金標爲嗣翁姑甘旨無缺含飴弄孫婆娑行樂

幾忘無子之苦婦之賢可概見矣

屈士元妻劉氏二十歲歸於屈奉尊章睦妯娌人無間言  
越八載夫故矢志冰霜數十年如一日同族嘉其志爰  
立嗣子俾有後云

童生劉鴻陸妻商城監生余啟暘之女也十七歲歸劉生  
一子越五載夫故子又殤相隔纔八日耳氏決意殉夫  
翁姑苦勸乃止後兩立嗣子皆不祿一孫承先祀氏之  
坎坷極矣先是娣生一女不三朝而娣產亡氏撫育如  
己出後歸於馬有賢聲皆氏之教也

曹天文妻李氏二十一歲歸於曹家貧氏紡績供翁姑甘

旨二十四歲守節無子未幾夫弟又故與娣同室贅居  
稍慰孤悽乃娣又故形單影隻抑抑誰語卒能營葬四  
棺氏真不可及哉

童生蘇恒祥妻馬氏賢而能十九歲于歸二十八歲守節  
後兩子成立二女亦得快壻

童生趙映輝妻李氏十九歲歸趙事舅姑以孝稱姑亡事  
繼姑如母未幾夫兄又亡嫂有遺腹雙生皆男也氏喜  
曰各得一子矣嫂以產後亡氏撫兩子愛逾所生不數  
月一子夭又數年一子以痘殤翁慟甚祖孫同日棄世  
氏疊遭大故家又赤貧凡人世難堪之境氏備嘗之有

女及笄姪女亦長成先後遭嫁氏依母家拾薪度日見者莫不泣下

童生王會極妻周氏歸王十載夫故氏年二十七歲立夫兄子爲嗣

黃代常妻傅氏十七歲歸於黃二十三歲守節事姑以孝聞無子又無可嗣苦節終其身

陳有貴妻姚氏十八歲適陳夫貿易外出恒數載不返鄉里氏勤女紅供萱堂甘旨未幾姑歿夫亦逝無子只三女先後遭嫁氏垂老以縫紉餬口見者哀之

王業顯妻蔡氏十六歲適王孝事堂上因翁姑望孫切勸

夫納妾徐氏生子愛逾所生二十九歲守節

童生劉桂錫妻李氏早寡無子嗣子春田夫弟所生子也  
先是桂錫出繼長房事孀姑如母本生翁姑在堂氏亦  
承歡養志賢聲播里巷

陳鑾妻孫氏幼失怙恃童養夫家年十七合卺越五載夫  
亡痛不欲生姑泣曰媳有遺腹是我家一綫之延也未  
幾生女姑爲立夫姪承宗祀氏愛逾己出將授室矣嗣  
子忽天生女亦殤氏與姑零丁孤苦相依爲命迨姑歿  
無以爲殮氏泣求母家借貸營喪葬里堂覓而哀之  
童生周六符妻李氏歸周六載遽失所夫無子立夫堂姪

爲嗣松柏其質蘭蕙其心翁姑稱賢孝焉守節二十七年現年五十有二

童生李榮妻劉氏早寡無所出姑媳二人相依爲命家無薄田賴紡績供甘旨淒風苦雨安之若素

張佩瓊妻劉氏于歸五載卽賦離鸞家徒四壁茹荼飲蘖坎坷終身先是姑在堂氏菽水承歡姑亦愛之如女無子立胞姪爲嗣里黨稱賢母焉

劉秉衡妻羅氏十七歲適劉重闡具慶翁姑在堂氏色笑親承孝養備至家計中落積女紅之資以供甘旨閭以內無間言也不及伉儷一年夫卽棄世青春早寡苦凜

冰霜無子卽於夫死之日立胞姪泰來爲嗣

汪國麟妻楊氏繼配也家本單寒以耕織度日氏披星戴月勤勞倍於丁男越八載夫亡慈姑在堂兩子皆幼家無擔石仰屋徒歎無何次子不祿姑亦繼逝拮据營葬淚竭聲枯嗣後長子力田差堪自給氏始有喜色云請旌時年七十有四

李日華妻毛氏增生毛羽颺之女也生而穎悟長習姆儀年二十一歸於李翁早去世常以不得逮事爲憾事姑以孝聞米鹽淩雜悉身任之不欲勞煩親心也甫四載夫亡無子女氏將從夫地下姑泣勸之乃止守節三十

四年

唐健妻黃氏十八歲適唐重闈在堂尊嫜具慶氏承歡兩代戚族稱賢乃賦命不辰青年早寡一坏有土六尺無孤已絕粒數日將從夫於地下矣尋以舅姑強之食乃食並立堂姪賡揚爲嗣鞠育劬勞一如已出子之成立氏之教也

王永旺妻阮氏十八歲于歸二十八歲守節家貧能得慈姑歡心一子四女亦及時婚嫁請旌時年七十有九

監生楊紹唐妻戚氏十九歲適楊眉齊鴻案相敬如賓舅姑喜得賢婦二十八歲守節姑健在子尙垂髫氏菽水

承歡熊光課子里黨稱道弗哀歿年八十歲守節五十二年

童生李瑄妻程氏十八歲適李得慈姑歡心越十載夫亡孤雛甫九齡氏以哀姑在堂不敢從夫地下子漸成立爲之授室連舉兩男無何子又故祖孫三人相依爲命後兩人皆能繩武人咸謂節孝之報云歿年七十歲守節四十二年

童生時有三妻楊氏二十一歲適時甫一載夫亡酸風苦雨弱歲伶仃膝前又無子女所以不卽死者以堂上寵鐘無人侍奉耳旋立夫姪爲嗣鞠育劬勞一如己出舅

姑嘗語人曰我兩人哀邁若此非得賢婦早填溝壑矣  
歿年四十一歲守節十九年

內閣中書羅文綱妻張氏係光山縣庠生張宗先女也十  
六載成夫婦禮文綱幼而岐嶷長更穎悟見者輒以太  
器目之甫成童卽食廩餼蜚聲庠序氏翁翰林院孔目  
羅一梧尤篤學不倦教子綦嚴甲戌文綱成進士授內  
閣中書其時全家赴都氏雞鳴儼日鴻案可風尤得舅  
姑歡心甘旨之奉必親自檢點居二載夫病不起膝前  
祇一女無子舅姑痛子成疾蘇學士一塲春夢轉眼皆  
空氏一女流曷克適此慘境顧猶能奉老攜幼扶櫬返

里間關數千里其情不大可哀哉未幾舅姑相繼去世  
氏率嗣子治喪營葬戚族鄰里嘖嘖稱賢歿年五十有  
四守節二十五年

監生彭繩曾妾王氏生長蓬門頗嫻閨訓年十九爲側室  
小星明慧大婦亦善視之事二老尤能養志跬步不離  
左右夫病嘗藥而後進衣不解帶者數十晝夜二十九  
歲守節子亦成立歿年八十歲守節五十二年

童生彭方炳繼室胡氏十九歲歸於彭撫前室幼女愛逾  
己出戚族皆交口稱賢舅姑年邁盤匱之奉必先意承  
志惟恐親心不懌也閱七年夫故孤雛甫三齡翁以喪

明去世姑以思子成疾呻吟床褥者二十餘年氏侍湯藥供甘旨始終如一曰厥後長孫汝金早歲登賢書天之報施曷嘗有爽哉歿年七十四歲守節五十年

童生彭方炯妻楊氏十八歲于歸夫久病呻吟床褥者四年氏清夜焚香願減己算以愈夫疾姑年高舉凡男錢女布白米紅鹽悉一身任之無何夫病不起氏視死如歸不願獨活姑泣諭曰我子孝甚今汝有遺腹安知非男耶汝必欲死殉是斬我彭祀也氏痛哭受命尋果生子且有福相於是戚族額手稱快氏與姑亦聊以自慰云嗣後姑享大年子漸成立氏迺轉悲爲喜焉歿年三

十四歲守節十年

候選布理問彭方杰妾王氏十九歲爲造室善事大婦嫡庶情若姊妹姑年高婉愉侍奉賢孝稱於里巷甫三載夫亡有女尙襁褓氏不敢遽死而憔悴可憐歿年纔三十有二守節十年

童生劉松榮妻黃氏商城縣黃藻之女二十三歲適劉一年卽失所天家人知其必死晝夜防範重閨諭之曰汝夫居長今汝有遺腹苟幸生子則太宗不致無後況舅姑在堂我年已耄汝豈忍捨我而棄耶氏泣受命未幾果生男一綫之延聞者代爲色喜遺雛甫三齡又以病